

**Tujuh NGO Felda Mahu Penyenaraian Felda Global Ventures Dipercepat
Bernama
29 Mac, 2012**

KUALA LUMPUR, 29 Mac (Bernama) -- Tujuh NGO Felda mahu penyenaraian Felda Global Ventures Holdings Bhd (FGVH) di Bursa Malaysia dipercepatkan dengan alasan langkah itu membawa manfaat yang besar kepada negara.

Tujuh badan itu terdiri daripada Majlis Belia Felda Malaysia (MBFM), Gabungan Pemikiran Profesional Felda (Gaprof), Alumni Asrama Felda Malaysia (AAFM), Ikatan Seni dan Kebudayaan Anak Felda (ISKAF), Kelab Sahabat Bina Negara, Permuafakatan Siswa Siswi Felda (PERSADA) dan Kelab Veteran Komando Malaysia yang mewakili lebih 200,000 warga Felda.

Presiden AAFM Abdul Malik Jalil, yang bercakap bagi pihak kesemua NGO itu, berkata mereka membantah campur tangan pihak luar yang cuba mengeksploitasi isu penyenaraian FGVH untuk kepentingan politik masing-masing.

Beliau berkata satu memorandum akan dihantar kepada Perdana Menteri Datuk Seri Najib Tun Razak esok bagi meminta supaya penyenaraian itu dipercepatkan.

"Dengan penyenaraian ini, generasi muda Felda bersama FGVH akan dapat berkongsi kepakaran melakukan transformasi Felda serta dapat memberi impak yang besar kepada Felda untuk tempoh masa 50 tahun yang akan datang," kata Abdul Malik.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=655739>